



22097

kallom

Franciscus.

III

Mag. St. Dr.

P

Synecensis Monasterii Stylus aureus.

PANEG. et VITAE

Polon. Fol.

№ 1835.



Albrychtowicz Fortunatus

STYLUS AUREUS

AB

AVITIS STARZENSCIORUM ARMIS
SVBTILIS ET SVBLIMIS

Æstimandis Virtuti & Eruditionis

PERILL. & R. DOMINI

LUCE FRANCISCI
STARZENSKI

INCLYTI LVBINENSIS MONASTERII

PRIORIS

CONGREGATIONIS BENEDICTINO POLONÆ

VISITATORIS
ACCOMMODATUS

Dumquē

IN ALMA UNIVERSITATE CRACOVIEWSI

Per

PERILLUSTREM REVERENDISSIMUM DOMINUM

D. M. CASIMIRUM

PAŁASZOWSKI

Sacræ Theologiæ DOCTOREM & PROFESSOREM, Collegam
Majorem, Ecclesiarum, Cathedralis Cracoviensis CANONICVM,
Collegiæ OO. SS Crac: PRÆPOSITVM, Parochialis in Czernie-
chow CVRATVM, Scholarum Novodvorscianarū & Contubernii
Hierosolimytni PROVISOREM. Canonizationis B. IOANNIS
CANTII PROCVRATOREM, Librorum per Diæcesim Cracovi-
ensem Ordinarium CENSOREM.

SACRÆ THEOLOGIÆ DOCTOR

In Amplissima Illustrissimorum Hospitum Corona

RITU SOLENNI

RENUNTIA RETVR.

Applausus ergo

Gentilitiæ SAGITTÆ Calamo

IN PETRA TYNECENSI

EXARATUS.

Annô quò

Digitus Altissimi Sæculis æternis Aureo Stylo Verbi compendia
scripsit. MDCCLII. Die 9. Novembris

Cracoviæ Typis Michaelis Josephi Antonij Dyzlewski, S. R. M. Typographi.

In Gentilitium Insigne Inclytæ
STARZENSCIORUM
 DOMUS.



22097^{III}

Imo.

Siste Sagitta! Tuo celeri quò pelleris austu
 Terminus an non est? Laurea docta Tibi
 Tangere si tendas DOCTORIS præmia summa
 Transcendes cursu sidera celsa Tuo.

2do.

A splendore Crucis semper Victoria fulget
 Hæc Geminata dabit mille trophæa Lucæ.

*Applaudit NEO-DOCTORI & quondam
 suo Professori*

D. AMANDUS JANOWSKI O. S. B. A&ualis
*Phiæ Lector & Profr. ArchiCenobij Tynecensis
 Professus & Secretarius.*

P R O P H A S I S

D E D I C A T O R I A

Dum Te prosperè ad supremum Doctoralis fastigij Apicem inauguratum votis solemnibus Benedictina complectitur felicitas, etiam singulari hac gratulatione Discipuli prosequitur affectus NEO-DOCTOR Dignissime. Non licuit olim vacuis manibus Laureta Limina accedere, quamobrem ne & affectus meus coram te vacuus videatur, donum hoc exiguum & gratulationem Tibi importat. Importat gratulationem Orbi Literario, Tibi Professori meo gratiosissimo, & Sacro Ordini Benedictino Tua nunc promotione ad gloriam majorem promotio. Gratulor illi electionem, Tibi Lauream Doctoralem, isti felicitatem. Congratulor Orbi Literario, quod Te Virum doctissimum; quem Avita & propriae virtutes dignum fecerunt, promovit tandem; quod destinabant omnium vota, & ab annis jam multis praesagi Discipulorum propellebant applausus. Gratulor Tibi Lauream Doctoralem, quem sublimis scientiae excellentia Doctorem fecit, qui licet in Recentiorum Schola enutritus; antiquam tamen & genuinam D. Thomae doctrinam in omnibus secutus, eandem non solum privatim docuisti, sed etiam publice rationibus solidissimis propugnasti; Cujus facillimam argumentandi methodum stupebant domestici; venerabantur exteri, deprædicabant universi. Gratulor denique Benedictino Ordini, quod Te NEO-DOCTOREM nactus sit novum sui Athlantem; qui ejus oneri Tuum supponens humerum pondus immensum sustineres. Suscipe igitur gratulationem

tionem quam offerro observantiae meae erga Te testem; & licet non
sim illius ingenii, quo possim merita Tua verbis adaequare & vir-
tutes sufficienti celebrare praconio; debita tamen eas veneratione
suspiciam, & illo Stylo exprimam; quem subministravit sinceritas,
quam majoris facis, adulatione fuco erudito onusta. Ergo siquidem
Ordinis Sacri Regimini es admotus, Tibi non potes vivere, vive
DEO, vive amplissima Religioni Benedictina, & quantum nego-
tia sublimiora permittent, vive Literis & perge earundem Pro-
fessores diligere, & inter ipsos Laurea Doctorali in hac Alma Unio-
versitate Cracoviensi decoratum.

Addictissimum Tuum olim Discipulum

Don. CAS. FORTUNATUM ALBRYCHOWICZ
Archicænobij Benedictini Tynecensis
Priorem & Custodem.
AUTHOREM OPERIS.

STYLVS AVREVS

Intra Lineas

Inclytæ STARZENSCIORUM Domus, DISPOSITUS.

Æstus laboris eruditi,

Si quando doctis mentibus pretiosam accendit sitim;
hanc maximè circa honoris auxit meridiem,
ad Tagum Tullianum extinxit.

Sitiunt plerumq; Honoriorum laudes calami,
qui ut se benè temperatos probent,
sitim non temperant

donec aurum pro sepia bibant
non quodvis sed primum;
quo & verba ponderent,

& summam encomiorum aureo sub numero ponant.

Pari sub pondere æstus, Laudatoris desudat penna.
ut dum caput sudoris gemmas,
hæc aureum fundat in paginam Stylum,
Aurei Viri in elogium.

nempè

Perill: R. Domini LUCÆ FRANCISCI
STARZENSKI

Sacrae Theologiæ NEO-DOCTORIS

Congreg: Benedict. Polonæ

VISITATORIS

Quem ab aurea, qua enitet mente,
Summa sequuntur omnia.

Cujus præstantissimas animi ingenijq; dotes,
quæ solidæ virtutis pondus & robur habent,
publici judicij Lydius
probat æstimandas.

Verùm festina lentè calame
ne levitatis incurras censuram,
hæc enim calamis imminet calamitas;

A

quoties

quoties propere non prosperè agunt.

Character hic laudum, quem formare intendis;
primus est?

Vt omnia rectè de NeoDoctore scribantur;
intra Lineas STARZENSCIANÆ Domus merito disponendus;
In qua, Fortuna Magnæ domestica Prosapiæ
ditiora opum recondidit cimelia,
quam felix ad fastum jactat Arabia,
vel dives in suo sinu Pactolus nutrit ad invidiam,
In quam Honor grandia Dignitatum decora congerit
Primisq; titulorum pretiis augens
auream fecit.

Ex qua ferreo sæculo
plus quam aurei prodire STARZENSCII;
Qui auream Poloniae revocando Libertatem,
duras hostium cervices
Triumphales suæ Sagittæ sinuarunt in Arcus,
Quæ nunquam ire visa retrorsum,
nisi cum nuntio Triumpho & Gloriæ.

Quinimò
Auxiliaris hæc STARZENSCIORVM Sagitta
dabat semper nova præsidia Regno,
eò felicitate majori,
quò firmiori geminatæ Crucis subsidio,
ceu Cælestibus subnixæ armis
bellabat securius, certius triumphabat.
Descripsit Poloni Gloriam Regni
ejus Calamus,
cujus compendiosam epitomen,
in STARZENSCIORVM armis habes, ut legas,
extant characteres, quos dextra Martis expressit,
non delevit vetustas, quos exaravit virtus heroica.
Sed norint antiqua & nova sæcula STARZENSCIOS
Quibus satis ad elogium esto.

quòd amplissimis suis meritis
in Ecclesiam & Patriam
id totum excedant, quod de illis cogitatur in summo,
ibi suæ Magnitudinis mensuram habituri
ubi immensum est, quod Heroas coronat optimos.
Nos interim compendia loquemur & sæcula in uno
Qui solus omne decus repræsentat Avium,

quasi

quasi id totum possederit
quod tanto temporum tractu ad eum devolutum
collectæ diu magnitudinis effecit capacissimum.
Cujus jam primam accedimus & accendimus lucem;
ut clariùs videat Orbis;
quàm pretiosam Stylus noster
de NEO DOCTORE scribendi
induit Materiam.

FORMA

STYLI AUREI

PRIMUM NEO DOCTORIS TYROCINIUM.

Illustrem STARZENSCII Ortum
vel ipse videre desiderâsset Aurelius,
si Vir aureus illo tempore contigisset.
in cujus pretiosum Sanguinis obrysum,
sæcula gemmea diu laborârunt,
antequam eum in sinu aureæ Libertatis posuerunt.
Prodit hic in lucem extra Vmbriam, quia LVCAS,
natus in Majori Polonia FRANCISCVS.
Quæ illi ingentes Spiritus, Nobilitatem hæreditariam
& lucis dedit LVCÆ usuram,
Hunc recens Natum
Charites ulnis exceperunt,
Genio Cælesti ad docendum & regendum apto
cumulârunt.
Nobilissima & amabili Indole ditaverunt,
toto impetu in honestum euntem,
velocisq; ætatis annos virtutibus antecedentem;
quibus cum adhuc palmam explicare non posset,
herbam porrigebat
ne cum tædio ejus expectarent annos,
Sed quos in alijs adeunt, in illo prævenirent.
Si prima fascia innodatum Naturæ evoluit arcanum;
hic infantilibus corpus vix enodavit fascijs
doctis fontibus baptisatus
eruditis alligavit se fastis;
in quibus primas tenerioris vitæ lineas

ipsis virtutum punctis distinguebat;
Nihil tunc puerile in Illo observatum
præter annos.

Intra domesticos parietes ea peragebat facinora,
quæ sole publico fuere digna,
quidquid egit nobilissimi sanguinis Iuvenis hæres,
STARZENSCIORUM Domus non erubuit.

Mirabatur Natura
quod tantum in exiguo corpore posset.
Gemmavit enim ita tenellus Puer,
ut quos daturus erat Adolefcens flores
gemmas præstolarentur omnes vel gemmeos.

Et hæc magna virtutum indicia
summum prælagiebant Doctorem

STARZENSCIUM.

Ita quippe non vano felicitatis augurio

Quis olim quisq; futurus sit;

Indoles maxima quæq; spirans
virtutesq; ipsæ

in adolefcencia tanquam in herba significant:

Viam Viri in adolefcencia

Sapientissimus virorum ignoravit;

hanc in se optime

Adolefcens **STARZENSCIUS** demonstravit;

posseq; in adolefcencia Virum esse,

si adolefcant & mores

comprobavit.

Qui ex more temporis

Teneriori consecratus Minervæ

Ætate quidem adolefcens sed Vir ingenio,

illud maxime versabat in animo,

quid de eo Superi, quid fata decernerent?

quæ anticipans,

illa gloriæ & ingenij amissi,

Minores Palladis emetiebatur ludos,

quam sua pro tunc ferebat ætas.

Sed quæ capacitas

Domesticis Laribus capi non poterat,

Eam amplissimus Benedictinorum excepit Ordo.

Aureus planè adolefcens aureæ debebatur Religioni;
quàm

quàm Ssmus Patriarcha fundaturus;
intra terræ viscera clausus
concepit auream
BENEDICTUS.

CLARITAS

STYLI AUREI

VOCATIO SANCTA

Religiosusq; NEO DOCTORIS

NOVITIATUS.

Clariorem hâc vidit diem nullam
Lubinium,

sacer NEO DOCTORIS Professiois Locus,
quàm dum Lucam futurum Doctorum Lumen
stellarum in sinu complecti meruit.

Sidera, Clarum Stemma Lubinij,
à quo si luminum dicitur Metropolis?

Domus LVCAE tota fiderea,
& Cella in Cælum abiit.

Testes duodecim profero signa Zodiaci;
quæ annuo Novitiatus cursu,
metatus est tanquam virtutum metas.

Dicat ARIFS vellere dives aureo,
quomodo vilis sibi erat FRANCISCVS nec pretiosis inhiabat
Otia ejus si loquatur TAVRVS?

nunquam otiosum testabitur, sed operosum ubique;
aut operi ferventem, aut oratione fervidum.

Hinc illum geminæ vitæ Heroem

GEMINORVM par prædica;

Retrogradum vel semel à recto

hunc refugus CANCER miratus nullibi;

jam suos inter radios

agnis leniorem

Sua tamen magnanimitate majorem

ubique demiratus est LEO,

eò in regno virtutum mitior

quò vitiorum ferocior in bello;
 Castam ejus mentem
 castum Sidus VIRGO testatur
 Tractabat dum Divina sive humana agebat
 vendebat terrena ut emeret Cælestia
 utraqùe illum librare docuit LIBRA.
 Verborum lepores
 summæ prædam perfectionis
 Avita cum ARCITENENTE jaculabatur sagitta;
 His cum sale
 ad Scholam suam advenas
 futurus Doctor
 humanissimè tractaturus;
 adiit CAPRICORNVM sed cum fædo nullum pepigit fædus;
 Haufit Cælestis AQVARIi latices
 Iejunio plùs alitus quam cibo.
 Subijt tandem PISCIVM Domum
 ut ea tacendo edisceret
 quæ Doctor loqueretur docendo
 Hoc NEO-DOCTORI Novitiatus fuit curriculum
 Qui veteranam Novitius
 Cunctis exhibuit probitatem.

SOLIDITAS

STYLI AUREI

SACRA PROFESSIO

atque

Virtutum & Literarum

NEO-DOCTORIS STUDIA

Antiquæ ruinam ne metuas Observantiæ
 Lubinium!

Laterano si supposuit humeros Affinas
 Polonus fulciet Lubinium

FRANCISCUS

Filius Ordinis factus jam virtute senili patrisat
 docebit non malè Professor

Qui

Qui vota Religionis bene distinxit Professus;
 eget quidem Magistris
 non ut doceatur, sed ut rigores dediscat Monasticos;
 splendidissima enim virtutum in Gymnade
 altero sub Chirone Achilles alter
 Major Doctore Discipulus
 sectetur seu virtutes, insequatur seu vitia
 utraque in acie
 tot admiratores facit, quot æmulatores habet.
 Moyer dubia
 an Ille virtutibus, an Illi sint innatæ virtutes?
 utrumque ex asse probat
 Omnium virtuosissimus
 hinc à Sacra Religione
 eruditæ studentium adjungitur Coronæ
 Flos doctis Floribus
 Caput aureum
 corpori aureo.
 Proficiscuntur alij ad externos & non proficiunt;
 Passiones enim animi externis non emendantur plagis
 Lustrant exterorum oras
 & illustriores non redeunt,
 Quia frigidum ad doctrinam animum sol alienus non accendit;
 Romam adeunt
 à nativa tamen ignorantia
 plenariam non consequuntur indulgentiam
 forbere cupientes Sorbonam
 Liliatum Regnum invisunt Galliam
 & florem eruditionis
 doctis valentem folijs non referunt.
 Hic Lutetiam Parisiorum non adiit
 ne Styli Aurei læderet puritatem
 sed tantum sapuit in Patria
 quantum post lustratas solis exotici plagas
 non sapuerunt alij nec sapiunt.
 Domi de fontibus sapientiæ tantum hausit
 ut nunquam sub æstu laboris eruditi de alieno sitiret,
 Eum se in schola monstravit Discipulum
 ut posthac Professore ageret doctissimum
 Argumentorum fila semper formabat subtilia
 quæ tanti fuere roboris

ut nullis possent præscindi sectis:
Adeò domi impallescebat libris, ut in publico non erubesceret
Nullum erat Librorum caput, quod de illo bene non sentiret
Nullum à quo eruditionis ejus initia
majoribus non exprimerentur literis
Nullum quod suo non caperet,
Nulla linea quam in eruditam suam frontem non transferret,
Nullum librorum folium
quod illi Coronam non texeret,
Nulla litera quæ in syllabum encomiorum ejus non abiret,
& ita
Professorales laureas ad docta tempora sua
cùm tempore provocavit
humidum radicale ijsdem sudore parando
non minus easdem ornans
quàm ornatus ab illis.

SVBTILITAS

STYLI AUREI

Publica cum Laude

Philosophicæ & Theologicæ

CATHEDRARUM

NEO-DOCTORIS

MODERATIO.

Professor ex Cathedra docet
Discite Discipuli?

calamos otiosi non decere;
si ita sublimatur Magister
elevatissimis vestris mentibus enitendum
ut quæ tractat profundè
Stylo sublimi celebrentur.

Retrahat Recentiorum sententias
Recens Aristotelis simul & Thomæ amicus
Quid quid infans eorum egerat Philosophia
tam scite edisserit

Quasi

Quasi vagitum nascentis audivisset
 Sole Thomistico adversas opinionum depellit noctes
 Aquinatico torque sectariorum costringit licentiam,
 veritas Philosophica nunquam clarior visa
 quàm ad mentis ejus splendorem,
 quo in obscuris prælucente
 nunquam ad lapidem offendit Philosophicum.
 Audiebatur de stoa Pulpito ut oraculum
 Quid quid concessit ratio status Philosophici non negavit;
 Quid quid negavit ille affirmabat qui solem negat,
 Quid quid evidens asseruit ille non videbat
 qui tenebras palpat in meridie
 solvebat argumentorum nodos & dubia
 Quæ alibi starent sine dubio
 unde haberet quod ipse disceret Aristoteles
 si in illius Schola compareret.
 Qui ut se subtilem probaret
 Professoralibus instructus pennis
 super Theologicum Mare
 ferebatur velut Spiritus,
 Ingenii tamen sui profunditate
 ibi fundum tangebatur ubi abyssus videbatur
 Intra Divinas artes sapuit supra hominem,
 Placuit omnibus illius ingenij humilitate temperata divinitas
 Qui quoties de Divinis tractaret
 Divinus Plato hominem se cogitabat.
 Primarius Theologiæ Professor
 mediam exclusit scientiam
 Lux mentis illius, fidei obscuritatem imminuit
 de qua tam clarè disserebat,
 ut veritatem ad oculum exhiberet.
 Gratia in eo non fuit vacua
 hanc quærens apud DEVM, invenit & apud homines.
 auxilia ejus avita adaugens Sagitta.
 Pacem illi debent Benedictino Polonæ Scholæ
 per scholasticos ejus conclusam Tractatus.
 Quasunque enim conclusiones statuit
 has doctissimo omnes argumento firmavit.
 Et ne privatos parietes tanti laboris testes haberet
 publicè etiam propugnavit
 In doctam arenam descendit toties

Quoties fuit provocatus
Publicum enim amat Celsa Indoles
& viliora ingenia angulis delectantur.

NEO-DOCTOR

Domi & foris sapere voluit
ubi dum docta argumentorum tela vibravit
agilitate Avitam suam Sagittam æmulante
in corda omnium direxit
Sicque palmam Gloriæ & corda semper in spolia tulit.

SUBLIMITAS

STYLI AUREI

Laborum Scholasticorum

FRUCTUS.

Felix Discipulorum in Professores
NEO-DOCTORIS

EDVCATIO

Metire NEO-DOCTORIS verticem
ut Discipulorum dignitatem cognoscas
Qui de eruditione illorum contendis.

Pro multis Librorum Capitibus hoc unum suffecit omnibus
Ex quo Benedictina Religio gloriam, illi suam legerent eruditione

FRANCISCI DISCIPVLI sunt

sed non Minores

Iam enim Magni dum erudiunt vocantur;
sublimi ingenio ita eminent

ut etiam in specu Benedicti abscondi non possint;

Qui ut volumen hoc doctis augeant Capitibus

Quo ordinem sunt Professi

Eodem Professores recententur

A R. P. HVGO SIERAKOWSKI Lubinensis

A R. P. HIERONYMVS SZYMANSKI Lubinensis

A R. P. HYACINTHVS FAŁECKI Tynecensis

A R. P. MELLITVS TOMASZEWSKI Lubinensis

A R. P. BENEDICTVS FAŁECKI Tynecensis

A R. P. AMANDVS IANOWSKI Tynecensis

Secretarius Capituli

A R. P.

AR. P. BENIGNVS BALTHASAR CHYLINSKI Tynec:

Actuales Philosophiæ Professores & Lectores

Omnes isti ad mentem S. sapiunt Religionis

In his velut septem Columnis

Magna Benedictinæ Sapientiæ fundatur Domus

His suo honori Benedictino Polona prospicit Congregatio

Primus illorum **HVGO**

Nomine in signitus Cardinalitio

extra Purpuram

animo Principe insignis

Qui licet non sit de Sancto Victore

semper tamen triumphat

Alter **HIERONYMVS**

In Orbe literario in Circulis Philosophicis in Rota Cardinalium virtu tu

semper eminens

Dum Philosophiam cum laude docet mortem semper meditatur

quia finitrum de se iudicium non timet

Qui semper meretur pro gloria.

HIACYNTHVS

Per erudita folia crescens

Ipsæ sibi Corona

Quinimo

HYACINTHVS ingeniorum Lapis Lydius

Qualem Doctores annuli in sui ornamentum desiderant

Cujus Pretium ille tantum non novit

Qui eruditionem ejus ignorat.

MELLITVS

Totus melleus

Oris & calami gemino prodigio

nil loquitur nisi Ambrosium

nil scribit nisi nectareum

Veritates Theologicas difficultates Philosophicas

digito ad oculum indicat

TOMASZEWSCIVS

Inter Spinas Philosophicas

nullum **BENEDICTI** acumen mentis

Quod rosam erudito ejus Capiti non porrigat in Coronam

AMANDVS

Tantum ingenio pollet

ut si sapientia iterum suam ædificaret Domum

Ideam & avitam ab eo Asciam postularet.

C2

&

& quia Secretarius est
Proinde os sapientiæ
Supremusque in Regno ejus Minister.
Claudit Discipulorum agmen
semper primo elogio dignus
BALTHASAR BENIGNUS
CHYLINSKI

Cujus benignum Nomen
Singularis in severioribus scientijs extollit profunditas
cui in humanioribus laudando
disertæ lingvæ non sufficiunt
Hic est enim ab oriente solis Thomistici **BALTHASAR**
qui quoties de Ortu & Interitu disceptavit
unum omnium oriebatur votum,
ut nunquam desineret in occasum.
His igitur Discipulis Doctrina quam sequerentur
quasi Helice aut Cynosura prævit
NEO-DOCTOR
In hos refulsit quasi Sol in Clypeos aureos
ut reliqui Montes Congr. Ben. Polonæ
resplenderent ab eis.

P R E T I V M

STYLI AUREI

Magnorum Meritorum

NEO-DOCTORIS

PRÆMIA.

HONORES IN RELIGIONE COLLATI.

Ad mensuram laboris
Datur alijs portio honoris
hic pro magnis laboribus
Parva à Benedictinis **FRANCISCO** obtigit
Porciuncula
Beneficium nempè Lubinense
sed honor per avitas **STARZENSCIO** juratus Cruces
Eun-

Eundem Conventuali S. ANDRÆ
 Iezoviensi auxit Præpositura
 ut in fronte Dignitatum, ejus signatus Cruce
 mereretur ab omnibus reverentiam.
 non satis tamen fuit NEO-DOCTORI invenire hanc Crucem
 sed ut exaltaretur, plurimum insudavit.
 Cōstruxit Aedes, vindicavit Iura
 suppellectilem auxit,
 Optimè commissis præfuit Pastor
 nec Conventualibus suis humanissimus defuit Pater.
 Per quæ merita
 etiam INFVLIS factus appetibilis
 Cui ultro se ABBATIALIS SIECIECHOVIENSIS offerrebat
 sed magno animo recusavit oblatam,
 ne dum Caput Ejus stringeret; & mentem coarctaret
 Infulis Majora molientem.
 Metire quàm magna ejus felicitas!
 Definitum est iterum rectè
 ut Capituli Generalis Mogilnensis fieret Definitor
 ubi quid quid definivit, subscripsit eruditio,
 Virtus sigillavit.
 Capitulum Generale nusquam melius sibi consuluit.
 Quàm dum STARZENSCIVM votis concordibus elegit
 VISITATOREM.
 Visitavit ex munere Monasteria
 Regni Poloniæ & M. D. Lithvaniæ
 semper cum apparatu & plausu
 Quia non sine virtutum comitatu
 gratus ubique hospes magnum sui reliquit desiderium;
 Crevit in immensum
 NEO-DOCTORIS æstimatio
 additum est virtuti pretium
 Per Monasterij Lubinensis
 PRIORATVM
 In quò quantum pro honore Ordinis egerit
 quàm Majora altioribus meditamentis cogitet
 publica vox loquitur
 ut melius audiat, encomiastes conticescit.

DIGNITAS

STYLI AUREI

MITRA DOCTORALIS

Dotes in NEO DOCTORE Principes
CORONANS.

Recluce NEO-DOCTORI honoris Aedem
Avitis Tuis Clavibus
TYNECIVM

quàm splendido Dignitatum in meridie
etiam Doctoralis Tituli auctus splendore
ceu Solis Regiam
ingrediatur feliciter

submitte verticem elevatum
TYNECENSIS PETRA

ut ad magna natus & cuius honori
ex Dignitate responsurus

ad virtutes & Literarum decus extollatur
ut vel ita Promota satis Persona

Supremam honoris Theologici Lauream assequatur
Ergo ambiat eruditum Tuum NEO-DOCTOR verticem
Corona Doctoralis

tòt ornata pretijs, quot sudoris expolita gemmis!
involet manum Liber, Digitum Annulus,
tot scriptis & revolutis fatigatus voluminibus;
utriusque enim munus volumina tractare & pennam
utrumque mereri ad gloriam.

Applaudit Tuae Promotioni

ILLUSTRISSIMUS & REVERENDISSIMUS DNUS

D. CANTIUS
IAKIELSKI

Divina vocatione

DVCALIS MONASTERII TROCENSIS
ABBAS

Præpositus Piosunenſis

CONGREG: BENEDICTINO POLONÆ
PRÆSIDENS GENERALIS

Cujus semper solidè eruditum animum

eo cordis dilexit affectu
quo selectissima ingenia & Sapientes animas solet;
Ipse doctarum mentium tenerrima dilectio

IOANNES

Promotionis Tuae grande incitamentum
Qui Te primus in Capitulo Generali Doctorandum conclusit;
Auger solemnitatem Actus hodierni

ILLUSTRISSIMUS & REVERENDISSIMUS DNUS

D. STANISLAVS
BENEDICTVS

BONCZA

BARTOSZEWSKI

DEI & S. SEDIS APLICÆ PROVIDENTIA
REGALIS ARCHICÆNOBII TYNECENSIS

ABBAS

ECCLESIAE CATHEDRALIS CRACOVIENSIS
CANONICUS

Vir summæ virtutis Prudentiæ & authoritatis;

Magnus Tuae eruditionis & literatorum

Æstimator,

cvehique Te à Laureis Doctoralibus ad Infulas optat;

Sublimaris igitur excelso omnium iudicio

ad Doctoralis Honoris Fastigium

ob mentis Tuae meritiq; ingentis Celsitudinem

maximam tamen partem debes gratitudinis

Almæ Florentissimæq;

UNIVERSITATI CRACOVIENSI

sub Cujus Scepbris

Ingeniorum nactus es imperia

& Coronam.

quæ sicut magnis mentibus ita & earum

Coronis triumphat inexhausta

quam pridem Capiti Tuo

ingens æstimationis publicæ consensus

& par mentis decrevit gloria.

Debetur & Tibi reverentialis à NEO-DOCTORE adorea

Dz

PER,

PERILLUSTRIS REVERENDISSIME DOMINE
D. M. CASIMIRE
PAŁASZOWSKI

Sacræ Theologiæ DOCTOR & PROFESSOR, Collega Major,
Ecclesiarum, Cathedralis Cracoviensis CANONICE, Collegi-
tæ OO. SS Crac: PRÆPOSITE, Parochialis in Czerniechow CV-
RATE, Scholarum Novodvorscianarū & Contubernii Hierosolimy-
tani PROVVISOR. Canonizationis B. IOANNIS CANTII PRO-
CVRATOR, Librorum per Diæcesim Cracoviensem
Ordinarie CENSOR.

PROMOTOR GRATIOSISSIME

Literatorum gemma, Ingeniorum amussis
& eruditæ gloriæ Apex.
è Cujus manibus Doctoralia
Insignia sumpsit.

Tibi optat ut innumeris Titulis dignus
per Falces Literarios sumas honores
maximos.

sisq; tot annis superstes,
quot factis & scriptis superemines laudabilibus.

Et hoc est observantiæ
erga NEO-DOCTOREM monumentum
quod in præsentium solamen, in futurorum
æmulationem
Aureo Stylo

SVPER PETRA TYNECENSI

Quam solidavit firmatæ benevolentiae Constantia,
Exaramus quod amor artifex docuit
quod splendidissimis auro Literis
adamantinam referri in Tabulam
Ædibus Honoris affigendam
Discipulorum gratitudo
Decrevit pronuntiavit & iussit,



Biblioteka Jagiellońska



stdr0011405

